



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Ab Alexandro VII. Ad Clementem X.

**Luxemburgi, MDCCXLII.**

CXXII. Impositio subsidii scutorum Tercentum millium monetæ super bonis  
undecim Congregationum Regularium pro Sanctæ Sedis Apostolicæ  
necessitatibus.

---

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

vis clausulis, & decretis, & alicui quomodocumque, & quodcumque faciendis unquam comprehendendi, & comprehensas censerit, sed semper ab illis exceptas, & quoties illæ emanabunt, toties in pristinum, & validissimum statum restitutas, propositas, & plenariè reintegratas, ac etiam de novo sub quacumque posteriore data per eos, ad quos spectat, & pro tempore spectabit quodcumque eligenda concessas intelligi, semperque, & perpetuò firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore spectabit in omnibus, & per omnia plenissimè suffragari, & ab illis respectivè inviolabiliter, & inconcussè observari. Sicque, & non aliter in præmissis omnibus, & singulis censerit, atque ita per quoscumque Judices ordinarios, & delegatos etiam Causarum Palatii Apostolici Auditores, ac S. R. E. Cardinales etiam de latere Legatos, & dictæ Sedis Nuncios, aliove quolibet quavis auctoritate, & potestate fungentes, & functiones sublata eis, & eorum cuilibet quavis aliter judicandi, & interpretandi facultate, & auctoritate judicari, & defini debere, ac irritum, & inane si secus super his à quoquam quavis auctoritate scienter, vel ignoranter contigerit attentari.

Executores deputat.

§. 14. Quocirca Venerabilibus Fratribus nostris Ostiensibus, & Portuensibus Episcopis, ac dilecto filio Causarum Curie Cameræ Apostolicæ Generali Auditori per eandem præsentibus motu pari committimus, & mandamus quatenus ipsi, vel duo aut unus eorum per se, vel alium seu alios ipsas præsentibus litteras, & in eis contenta quæcumque ubi, & quando opus fuerit, & quoties pro parte interesse in præmissis habentium, seu illorum, quos præsentibus litteræ concernunt, aut alicujus eorum fuerint requisiti solemniter publicantes, illisque in præmissis efficacis defensionis præsidio assistentes faciant auctoritate nostra illos, & eorum singulos ipsarum præsentium litterarum, & in eis conventorum hujusmodi commode, & effectu pacificè frui, & gaudere, non permittentes illos desuper per quoscumque, quomodolibet indebitè molestari, perturbari, inquietari, vel quovis modo impediri, præmissaque omnia, & singula curent, & faciant ab omnibus, & singulis ad quos spectat, & pro tempore quodcumque spectabit realiter, & cum effectu, ac exactè, & inviolabiliter observari: Contradictores quoslibet, & rebelles, per sententias, censuras, & pœnas Ecclesiasticas, aliaque opportuna juris, & facti remedia, appellatione postposita compescendo, legitimisque super his habendis servatis processibus, sententias, censuras & pœnas ipsas etiam iteratis vicibus aggravando interdictum Ecclesiasticum apponen. invocato etiam ad hoc, si opus fuerit, auxilio brachii facularis.

Contrariis derogat.

§. 15. Non obstantibus præmissis ac quatenus opus sit de jure quæsto non tollendo, deque unionibus perpetuis committendis ad partes vocatis, quorum interest, & de non concedendis Indulgentiis ad instar, aliisque nostris, & Cancellariæ Apostolicæ Regulis, necnon Lateranensis Concilii uniones perpetuas, nisi in calcibus à jure permissis fieri prohibendum, ac scilicet rec. Bonifacii Papæ VIII. prædecessoris nostri de una, & Concilii Generalis de duabus dietis, dummodo ultra tres dietas aliquis auctoritate præsentium ad judicium non trahatur, aliisque Apostolicis, ac in universalibus, Provincialibusque Conciliis editis Generalibus, vel specialibus Constitutionibus, & Ordinationibus, ac prædictarum Congregationum Vallisumbrosæ, & Sylvestrinorum, illarumque Monasteriorum, & locorum Regularium quorumvis, & aliis quibuscumque etiam juramento, confirmatione Apostolica, vel alia quavis firmitate, roboratis statutis, styli, usibus, & consuetudinibus etiam immemorabilibus, privilegiis quo-

que, indultis, & litteris Apostolicis eisdem Congregationibus, seu earum alteri illarumque, seu alterius earum Superioribus, Monachis, personis, Monasteriis, & locis Regularibus quibuscumque sub quibuscumque verborum tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, ac irritantibus, & aliis decretis in genere, vel in specie, ac aliis in contrarium præmissorum quomodolibet concessis, confirmatis, & innovatis. Quibus omnibus, & singulis etiam si pro illorum sufficienti derogatione de illis eorumque totis litteris specialis, specifica, expressa, & individua, ac de verbo ad verbum non autem per clausulas generales idem importantes mentio, seu quævis alia expressio facienda, aut aliqua alia exquisita forma ad hoc servanda foret illorum tenores, causas, formas, & occasiones præsentibus pro plenè & sufficienter, ac de verbo ad verbum nihil penitus omisso insertis, expressis, servatis, & specificatis habentes illis alias in suo robore permanuris ad præmissorum effectum specialiter, & expressè, ac plenissimè, & amplissimè derogamus, & derogatum esse volumus, cæterisque contrariis quibuscumque.

Transumptorum fides.

§. 16. Volumus autem, ut earundem præsentium litterarum transumptis etiam impressis manu alicujus Notarii publici subscriptis, & sigillo personæ in dignitate Ecclesiastica constitutæ munitis eadem prorsus fides in judicio, & extra illud ubique adhibeatur, quæ ipsis præsentibus adhiberetur, si forent exhibitæ, vel offensæ.

Datum Romæ apud Sanctam Mariam Majorem, sub Annulo Piscatoris, die 29. Martii 1662. Pontificatus Nostri Anno septimo.

Dat. P. An. 7. die 29. Mar.

Impositio subsidii scutorum Tercentum millium monetæ super bonis undecim Congregationum Regularium pro Sanctæ Sedis Apostolicæ necessitatibus.

CXXII.

ALEXANDER EPISCOPUS,

Edita An. D. 1662.

Servus Servorum Dei. Ad perpetuam rei memoriam.

Cum inter cæteras Summorum Pontificum curas quæ animum intimè agunt quietis Subditorum securitas, sit ex quo Nos ad hanc S. Sedem supremo Dei beneficio ascendimus præcipuum Nobis studium fuit, ut qui in nostra sunt ditione immunes à quolibet æstu timoris ea tranquillitate fruere, quæ pretio nullo satis compensatur, satius insuper arbitrari in Nos effundere gravissimas sollicitudines ut leviori pondere iidem premerentur. Verum cum perturbationum vapores assurgere concipiuntur, ex quibus Cæli hujus serenitas sæliciter quidem, sed maximis impensis hucusque servata posset obnubilari. Idcirco Nobis est evigilandum, ne in nubem densati difficillimè dissolvantur, cum adhuc dispersi non ardue possent dispari, ea tamen est rerum humanarum conditio, ut ingenti nonnisi pecuniarum subsidio tranquillitas ematur, propterea pervium iter, & emergentibus periculis familiare Nobis est ineundum, & dum vigiles elaboramus pro Subditorum securitate, ipsi quoque curas nostras urgentes minuere pecuniis elargiri minimè graventur. Quod ut adhuc promptius, & illo quo potest minori incommodo præstare valeant remedia desuper adhibemus opportuna.

Motiva hujus Constit.

§. 1. Motu igitur nostro proprio non ad alicujus instantiam, sed ex scientia, meraque deliberatione nostris, ac de Apostolicæ potestatis plenitudine indicimus, atque imponimus, hac una sola vice dumtaxat subsidium Tercentorum millium scutorum monetæ Romanæ super omnibus bonis, proprietatibus, fructibus, redditibus, decimis, censibus, & aliis juribus Congregationum Cassinensium aliàs S. Justinæ de Padua, & Lateranensis Montis Oliveti, Camaldulensis etiam quoad Ere-

Indicium subsidii tercentorum millium scutorum.

mitas Camaldulen. & Montis Coronæ, Carthusien, Sancti Salvatoris Vallis Umbrosæ, Sylvestrinæ, Sancti Georgii in Alga, Cælestinorum, Cisterciens. Lombardiæ, ac Tusciæ, & Sancti Hieronymi, earumque Monasteriorum, Prioratum, Præpositurarum, Beneficiorum, & Officiorum cum cura, & sine cura, & necnon Mensarum, Membrorum, Grangiarum, & Locorum omnium illis annexorum ubicumque existentium per ipsarum Congregationum Superiores, Abbates, Priores, Præpositos, Conventus, Capitula, & personas juxta solitam taxam inter ipsos faciendam Thesaurario nostro Generali Romæ illorum periculis, & impensis, & alias quemadmodum inter dilectum filium nostrum Flavium tituli Sanctæ Mariæ de Populo nuncupat. Presbyterum Cardinalem Chisum nuncupatum Procamerarium nostrum, quem ad hoc Commissarium, & Procuratorem nostrum cum omnibus, & quibuscumque privilegiis, jurisdictionibus, & juribus, quæ omnes alii antehac Commissarii, & Procuratores hujusmodi habuerunt, quibusque uti, & gaudere potuerunt, constituimus, & illos, sive illorum Procuratores convenietur integrè persolvendum. Decernentes eos omnes ad præstationem, & solutionem subsidii prædicti secundum taxam hujusmodi faciendæ esse efficaciter obligatos, etiam si bona, proprietates, fructus, & omnia alia supradicta quarra, decimis, subsidiis, & aliis multis, maximisque oneribus sunt gravata.

§. 2. Et proinde considerantes dictam summam nulla ratione congeri, nec congestam debito tempore numerari posse, nisi rebus, & proprietatibus per prædictarum Congregationum, & ipsorum locorum aliqua distraherentur, proindeque de similis potestatis plenitudine statuimus, ut singuli Superiores prædicti ratam subsidii hujusmodi sibi contingentem per sua quisque Monasteria, Prioratus, Præposituras, Beneficia, Officia, Membra, Grangias, Annexa, Conventus, & loca distribuunt, & assignent, distributam, & assignatam ab Abbatibus, Prioribus, Præpositis, Monasteriis, Conventibus, locis, & personis, etiam per subtractionem rerum, & præfectuum, & alias uti viderint expedire omni, & quacumque exceptione sublata, vel impedimento cessante exigant.

§. 3. Sed quia de universis dictarum Congregationum, & locorum suorum proventibus supradicta summa vix posset congregari. Nos de dictorum Superiorum fide, & probitate confisi plenam, liberam, & absolutam facultatem, mandatum, & potestatem tribuimus singulis Congregationibus, & pro eis suis Superioribus, ut nullius requisito consensu, ac etiam invitatis, & reclamantibus particularibus Abbatibus, Prioribus, Præpositis, Conventibus, & personis etiam unitorum Monasteriorum, & locorum possint, & valeant de omni, & quacumque proprietate, & dominio temporali cujuscumque Congregationis, & ejus Monasteriorum, Prioratum, Præpositurarum, Beneficiorum, Officiorum, Mensarum, Membrorum, Grangiarum, annexorum, Conventuum, & locorum prædictorum ubicumque existentium etiam prævis perpetuis suppressioibus, & extinctionibus Beneficiorum, & Officiorum, ac Grangiarum hujusmodi (consulta tamen prius Sede Apostolica, quoad suppressionem, & extinctionem prædictas tantum) itaut illis secutis, ipsorum bona, & proprietates Monasteriis à quibus illa dependent applicata, & appropriata remaneant Bona, Census, Feuda, loca Montium, Canones, Livellos, & alia cujuscumque qualitatis, & naturæ jura pro confectioe quantitatis, quæ ad complementum supradictæ summæ Tercenorum millium scutorum necessaria erit dumtaxat, ac si taxam quamlibet ex Congregationibus prædictis tangentem excedant, dummodo pretium pro excessu hujusmodi unico contextu in emptionem aliorum bonorum

stabilium ad favorem ejusdem Monasterii, uti bona vendita existebant, convertatur, seu pecuniæ excessum hujusmodi concernentes apud Montem Pietatis, seu penes aedes publicas dependantur, inde non extrahendæ, nisi ad effectum illas reinvestiendi modo, & forma præmissis, tam conjunctim, quàm divisim possessa, etiam si præcis, & singularibus obligationibus, & oneribus juxta voluntatem eorum, qui bona, & alia supradicta quomodolibet dederunt, concesserunt, & elargiti sunt, sint obnoxia, & subiecta representata etiam pecunia, necnon etiam anticipatis solutionibus locare, sive in Emphyteusim, sive alias ad unam, duas, vel plures generationes, seu nominationes, seu etiam in perpetuum concedere, sive cum aliis permutare, ac etiam liberè, vel cum pacto redimendi, & etiam de bonis, & rebus unius, sive plurium Monasteriorum, & locorum; & ejusdem Civitatis; vel Provinciæ, etiam si Castra, Jurisdictiones, & alia hujusmodi minus utilia existant, prout Superioribus cujuscumque Congregationis magis expediens videbitur, sive ad præsens, sive quocumque temporis intervallo pro extinctione censuum pro solutione prædictæ summæ per eos respective contractorum, itaut singulo casu hujusmodi venditio, & pretii conversio in extinctionem censuum hujusmodi, seu partis eorum unico contextu fiat, seu saltem pecuniæ ex venditionibus prædictis redigendæ apud Montem Pietatis, seu aedes publicas, ut supra dependantur, inde non extrahendæ, nisi pro extinctione censuum, seu partis eorum hujusmodi vendere, ac quocumque alio modo, & titulo alienare, & præterea omnia, & quæcumque bona feudalia, emphyteutica, vel aliis censibus, canonibus, pensionibus, recognitionibus erga se obnoxia pretio liberare, extinguere, & affrancare, necnon super bonis prædictis census annuos pro rata singulas Congregationes prædictas tangente perpetuos, & redimibiles (servata tamen forma Constitutionis sæcl. record. Pii Papæ V. Prædecessoris nostri super creandis censibus editæ) creare, & imponere, necnon unum, vel plura Monasteria sive perpetuo, vel ad tempus, prout Superioribus prædictis magis placuerit, & expedire videbitur suppressere, & claudere, necnon eadem Monasteria secuta integra solutione ratæ ad quamlibet ex dictis Congregationibus quomodolibet spectantis denuò, prout eidem Superioribus videbitur, & placuerit, nulla nostra, & successorum nostrorum, & Sedis Apostolicæ, & cujusvis alterius licentia requisita de novo aperire, & in eis prout antea Religiosi Ordinis, & Congregationis, cujus Monasterium, seu Monasteria existunt, degere liberè, & licitè valeant.

§. 4. Necnon Monasteria, Prioratus, Præposituras, Beneficia, Officia, Mensas, Membra, Grangias, annexa, Conventus, & loca prædicta à quibuscumque obligationibus, oneribus, fideicommissis, & caducitatibus, devolutionibus, substitutionibus etiam ad favorem aliorum priorum locorum, quibus occasione bonorum, censuum, proprietatum, jurium, aliorumque, & quorumcumque per eos vigore præsentium concedendorum, vendendorum, alienandorum, permutandorum, & de quibus alias quomodolibet in vim facultatis, & auctoritatis eis per easdem præfates nostras attributæ quomodolibet disponent, quibus etiam quomodolibet, & ex quacumque causa etiam per viam testamentorum, codicillorum, legatorum ad pias causas, donationum inter vivos, seu quarumcumque aliarum elargitionum sunt quomodolibet obnoxia, & subiecta penitus, & omnino absolvere, eximere, & liberare.

§. 5. Ita tamen ut quoad obligationes, & onera in alia bona, & proprietates ejusdem Congregationis transferre omnino debeant, & bona, & proprietates in quæ obligationes, & onera hujusmodi translata fuerint eidem perpetuo subiecta, & ob-

noxia remaneant conditiones, & pacta super his cum cautionibus, vinculis, obligationibus, & alias res universas, & singulas cuiuscumque Congregationis pro ea parte sibi, & suis locis contingente complectentibus, necnon clausulis, & decretis requisitis, & opportunis inire contractus, instrumenta, cæteraque necessaria facere, & has concessionem, venditiones, permutationes, liberationes, affrancationes, suppressiones, creationes, & impositiones, unam videlicet, vel plures etiam ad effectum creationis, vel extinctionis, seu venditionis, vel recuperationis aliarum huiusmodi rerum invicem, ac simul, vel pluries facere, & quoties eis placuerit variare (consultata tamen prius Sede Apostolica quoad variationes huiusmodi tantum) etiam sine processu in forma si in evidentem, aut alias formando, & habendo, aut consensu, vel auctoritate generalis Capituli requirendo, & pro dictorum omnium effectu per se, vel alium, seu alios singulos Abbates, Præpositos, Priores Conventus, & personas etiam Monasteriorum, locorum, unitorum, tam conjunctim, quam divisim ad locationes, concessionem, permutationes, venditiones, alienationes, liberationes, extinctiones, affrancationes, & suppressiones, & alia prædicta omnia etiam manu regia compellere. Contra dictores impediens, vel reclamantes Monasteriis, Prioratibus, Præpositatibus, Dignitatibus, admissionibus, & officiis, prout sibi videbitur, deponere, ad futura inhabiles efficere, Excommunicationis, aliique censuris, & pœnis innodare, Interdictum Ecclesiasticum apponere, auxiliumque brachii secularis invocare, cæteraque in prædictis, & circa ea necessaria, & opportuna facere, & exequi valeant, etiam si talia contigerint, quæ licentiam, facultatem, aut mandatum exigant magis speciale, quam præsentibus est expressum, quia Congregationum prædictarum Procuratores, qui hic sunt mandatum ad prædicta speciale non habent, quia etiam nonnullarum Procuratores, vel hinc abesse, vel omnino non esse contingere potest, & præsens necessitas urget hæc quamprimum faciendi.

§. 6. Nos defectum huiusmodi nostra auctoritate supplere volentes supradictis Procuratoribus etiam nomine illarum Congregationum, quarum Procuratores hic defunt, & pro ea parte illos tangente dumtaxat vocatis, tamen in eorum loco aliquo, vel aliquibus Abbatibus, Superioribus, aut aliis Præsentibus suorum locorum, qui hic sunt, tam conjunctim, quam divisim prædicta omnia, & singula usque ad prædictam summam etiam, & pro cuiusque rata dumtaxat, faciendi, gerendi, exequendi, & obligandi liberam, & absolutam licentiam, & auctoritatem tribuimus, eaque si fiant, postquam facta fuerint, illud idem robur habere, ac universis, & singulis, ad quos res pertinebit, perinde suffragari debere volumus, ac si in suis Capitalibus generalibus, ac aliis servatis omnibus, quæ de jure, & juxta statuta, consuetudines, privilegia, & indulgentia singularum Congregationum prædictarum servari deberent omnino servarentur, suppletentes ex nunc prædictos, & quoscumque alios juris, & facti defectus, si qui intervenerint in eisdem.

§. 7. Volumusque prædicta omnia, necnon locationes, concessionem, permutationes, venditiones, alienationes, liberationes, affrancationes, creationes, impositiones, suppressiones, & quæcumque alia quæ præsentium auctoritate fieri perpetuo consistere, & quæcumque tam juris, quam facti, & alio quantumvis substantiali defectu impugnari, sive contra eadem præmissa sic facta, gesta, & executata per quoscumque aliquod juris, vel facti remedium impetrari, aut illo impetrato uti, ac eadem præmissa in jus, vel controversiam reduci nullo unquam tempore posse, neque debere, sed quoscumque concernunt, &

concernent in futurum omni, & quocumque effectu, & commodo pacifice gaudere. Singulæque super singulis locationibus, aliisque omnibus, & singulis præmissis litteras, seu earum confirmationes, & alias dispositiones singulas illis petitoris gratis ubique concedi etiam in forma brevis per secretariam nostram secretam expediri debere.

§. 8. Quocirca prædicto Flavio Cardinali Procamerario, & Commissario nostro plenam, liberam, omnimodam, & absolutam potestatem, facultatem, & auctoritatem tribuimus, Congregationes, Superiores, Abbates, Priores, Præpositos, & alios prædictos, tam conjunctim, quam divisim ad integram præstationem, & solutionem subsidii prædicti juxta formam Indictionis, & impositionis huiusmodi faciendas etiam per Edictum locis publicis affigendum movendi, & requirendi cum illis, eorumque Procuratoribus conveniendi, deque modis, & cautionibus solutionis prædictæ, & aliis hoc negotium concernentibus, paciscendi, obligationes, promissiones, & fideiussiones exigendi, & vicissim præstandi, contractus super his necessarios etiam nostro, & Cameræ prædictæ nomine stipulandi, & celebrandi, & secundum illa, necnon præsentibus subsidium ipsum procurandi, contumaces, non respondentes, aut deficientes Conventus, & Congregationes interdicto Ecclesiastico supponendi, & singulares personas excommunicationis sententia feriendi, proprietates, res, fructus, & alia bona ipsorum, etiam manu regia apprehendendi, & usque ad condignam satisfactionem retinendi, redeuntes, & obedientes absolvendi super irregularitate propterea contracta dispensandi, & ad pristinum statum restituendi, vices suas sive totas, sive in parte alii, vel aliis idoneis citra absolutioem, dispensationem, & restitutionem delegandi, cæteraque in prædictis, & circa ea necessaria, & opportuna faciendi, & exequendi etiam si talia forent, quæ mandatum exigere magis speciale, quam præsentibus sit expressum.

§. 9. Decernentes easdem præsentibus litteras, & in eis contenta quæcumque etiam ex eo quod quicumque in præmissis interesse habentes, seu habere quomodolibet prætendentes cuiusvis status, gradus, ordinis, conditionis, dignitatis, aut alias specialis, & individua mentione digni existant, illis non consenserint, aut ad ea vocati, citati, & auditi, seu causa propter quas præsentibus emanarunt verificata, & justificata non fuerint, vel ex alia quacumque quantumvis iusta, legitima, pia, & privilegiata causa, colore, prætextu, & capite etiam in corpore juris clauso, etiam enormis, enormissimæ, & totalis læsionis nullo unquam tempore de subreptionis, vel obreptionis, aut nullitatis vitio, aut intentionis nostræ, seu interesse habentium consensus aliove quolibet quantumvis magno, ac formali, & substantiali, necessariamque expressionem requirente defectu notari, impugnari, infringi, retractari, in controversiam revocari, aut ad terminos juris reduci, seu adversus illa quodcumque juris, facti, vel gratiæ remedium impetrari, vel intentari, aut impetrato, vel etiam motu pari, ac de Apostolicæ potestatis prædictæ plenitudine, concessio, vel emanato quempiam in iudicio, vel extra illud uti, seu se juvare posse, neque easdem præsentibus, ac omnia, & singula in eis contenta super quibusvis similibus, vel dissimilibus indictionum, impositionum, facultatum, mandatorum, concessionum, indulgentiarum, & gratiarum revocationibus, limitationibus, derogationibus, aliisque contrariis dispositionibus etiam per Nos, & Romanos Pontifices, Successores nostros, Sedemque Apostolicam sub quibusvis verborum tenoribus, & formis, ac cum quibusvis clausulis & decretis, quandocumque faciendis unquam comprehendi, aut comprehensas censerem, sed semper ab illis exceptas, & quoties illæ emanabunt to-

Decretum  
irritans.

ties in pristinum, & validissimum statum restitu-  
tas, repositas, & plenarie reintegratas, ac etiam  
de novo sub quacumque posteriori data per Su-  
periores Congregationum hujusmodi pro tempo-  
re existentes eligenda, concessas intelligi, sem-  
perque firmas, validas, & efficaces existere, &  
fore, suosque plenarios, & integros effectus for-  
tiri, & obtinere, ac illis ad quos spectat, & pro  
tempore spectabit plenissime suffragari, & ab il-  
lis respectivè inviolabiliter observari. Sic, & non  
alias in præmissis omnibus, & singulis ceteri. Et  
ita per quoscumque Judices Ordinarios, vel De-  
legatos etiam Causarum Curie Camerae Aposto-  
licæ, & Palatii Apostolici Auditores, ac ejusdem  
S. R. E. Cardinales, etiam de Latere Legatos,  
Vicelegatos, & Sedis Apostolicæ Nuncios, ac  
alias quomodolibet quavis auctoritate, & pote-  
state fungentes, & functuros, sublata eis, & eo-  
rum cuilibet quavis aliter judicandi, & interpre-  
tandi facultate, & auctoritate judicari, & defi-  
niri debere, ac si secus super his à quoquam qua-  
vis auctoritate scienter, vel ignoranter contige-  
rit attentari, irritum, & inane decernimus. Et ni-  
hilominus omnium locorum Ordinariis, quos si-  
ve singulos universi, & singuli Superiores præ-  
dicti duxerint eligendos per Apostolica scripta  
Motu pari mandamus, ut quoties pro parte Su-  
periorum prædictorum, aut alicujus eorum, tam  
conjunctim, quam divisim fuerint requisiti, quif-  
que videlicet per se, vel alium eandem præsentem  
ubi, & quando opus fuerit, solemniter publican-  
tes, ipsique in prædictis efficacis defensionis præ-  
sidio assistentes faciant auctoritate nostra illas,  
& earum vigore faciendas distributiones, assigna-  
tiones, locationes, concessiones, venditiones, li-  
berationes, affrancationes, creationes, suppressio-  
nes, impositiones, exemptiones, absolutiones,  
& alia omnia prædicta cum omnibus inde secutu-  
ris firmiter observari, ac singulos, quos illa con-  
cernunt, & concernent in futurum. Non permit-  
tentes quemquam contra eas quomodolibet im-  
pediri, vel molestari. Contradictores quoslibet per  
Censuras Ecclesiasticas, & pœnas prædictas, cæ-  
teraque Juris, & facti remedia omni, & qua-  
cumque appellatione remota compescendo, in-  
vocato etiam supradicto auxilio brachii sæcularis.

Contrariis  
derogat.

§. 10. Non obstantibus prædictis, ac Nostra,  
& Cancellariæ Apostolicæ regula de jure quæstio  
non tollendo, ac Legatis, Testamentis, Codicil-  
lis, Donationibus, elargitionibus, ac aliis dispo-  
sitionibus ex quacumque causa, occasione, & tem-  
pore hætenus factis, conditis, emanatis, publi-  
catis, executis, & observatis respectivè etiam alie-  
nationes, immutationes, aut alias conditiones fie-  
ri specialiter, & expressè prohibentibus, ac in  
eventum alienationis, immutationis, sive non  
adimplementi obligationum, & onerum in eis  
contentorum, aut alterius dispositionis pia, aut  
alia loca etiam plura ordine successivo ipso facto  
substituentibus, vel illa ad hæredes redire om-  
nino volentibus, ac aliàs quomodolibet in con-  
trarium conditis, ac quocumque vinculo firma-  
tis, & aliis etiam ultimis voluntatibus in con-  
trarium prædictorum quomodolibet disponenti-  
bus, quæ quoad præmissa sufficienter, specialiter,  
& expressè commutamus, ac pia mem. Bonifacii  
Papæ VIII. de una, & in consilio generali edita  
de duabus dietis, & Symmachi, Pauli II. & Pauli  
IV. aliorumque Romanorum Pontificum, etiam  
de rebus Eccles. non alienan. ac nostris quatenus  
in aliquo obstant, aliisque Constitutionibus, &  
Ordinationibus Apostolicis, ac in Universalibus,  
Provincialibus, & Synodalibus Conciliis editis ge-  
neralibus, vel specialibus Constitutionibus, & Or-  
dinationibus, ac Congregationum, Monasterio-  
rum, Conventuum, & Ordinum prædictorum,  
aliisque quibuslibet etiam juramento, confirma-  
tione Apostolica, vel quavis firmitate alia ro-

boratis statutis & consuetudinibus, privilegiis  
quoque, indultis, & litteris Apostolicis sub qui-  
buscumque verborum tenoribus, & formis, ac  
cum quibusvis etiam derogatoriis derogato-  
riis, aliisque efficacioribus, efficacissimis, & in-  
solitis clausulis, irritantibusque, & aliis Decre-  
tis in genere, vel in specie, ac alias in contra-  
rium quomodolibet concessis, aliisque omnibus,  
& singulis etiam aliquibus communiter, aut  
divisim ab eadem sic Sede indultum, quoad præ-  
stationem, vel solutionem aliquam minime te-  
neantur, nec ad id ullatenus, aut nisi per Ca-  
pitula generalia, & causas in eis prius proposi-  
tis, matureque discussis compelli, interdici, vel  
excommunicari non possint per litteras Aposto-  
licas non facientes plenam de dicto indulto men-  
tionem, & quibuslibet aliis privilegiis, exemp-  
tionibus, indulgentiis, & litteris Apostolicis ge-  
neralibus, vel specialibus quorumcumque teno-  
rum existant, per quæ præsentibus non expres-  
sa, vel omnino inserta earundem præsentium,  
& per ipsas attributa facultatis, & auctoritatis  
effectus, & executio impediri valeat quomodo-  
libet, vel differri, & de quibus, eorumque to-  
tis tenoribus, ac Dat. de verbo ad verbum ha-  
benda est in nostris litteris mentio specialis. Qui-  
bus omnibus, & singulis, etiam pro illorum  
sufficienti derogatione de illis, eorumque totis  
tenoribus, specialis, specifica, expressa, & in-  
dividua, ac de verbo ad verbum, non autem  
per clausulas generales idem importantes mentio,  
seu quævis alia expressio habenda, aut ali-  
qua alia exquisita forma ad hoc servanda foret,  
illorum tenores, causas, formas, & occasiones  
præsentibus pro plene, & sufficienter, ac de ver-  
bo ad verbum insertis, expressis, & servatis res-  
pectivè habentes, illis alias in suo robore per-  
manuris ad prædictorum effectum specialiter, &  
expresse, ac plenissime, & amplissime deroga-  
mus & derogatum esse volumus, cæterisque con-  
trariis quibuscumque. Quia verò difficile nimis  
esset eandem præsentem quocumque illis opus erit  
perferre,

§. 11. Volumus, ut earum exemplis etiam  
impressis, manu Notarii publici, & personæ in  
dignitate Ecclesiastica constitutæ ejusque Curie  
sigillo obsegnatis, eadem illa prorsus fides in ju-  
dicio, & extra illud ubique locorum adhibeatur,  
quæ ipsis præsentibus adhiberetur si essent exhi-  
bitæ, vel ostensæ.

§. 12. Nulli ergo omnino hominum liceat  
hanc paginam nostrarum indictionis, impositio-  
nis, facultatis, mandati, potestatis, tributionis,  
concessionis, absolutionis, exemptionis, libera-  
tionis, alienationis, derogationis, commissio-  
nis, & suppletionis infringere, vel ei ausu tem-  
erario contraire. Si quis autem hoc attentare  
præsumperit indignationem Omnipotentis Dei,  
ac Beatorum Petri, & Pauli Apostolorum ejus  
se noverit incursum.

Datum Romæ apud. S. Mariam Majorem an-  
no incarnationis Dominicæ 1662. 18. Kalendas  
Maii Pont. nostri Anno octavo.

Anno à Nativitate D. N. Jesu-Christi 1663. In-  
dictione prima, die verò 29. mensis Maii, Ponti-  
ficatus autem Sanctissimi in Christo Patris & D.  
N. D. Alexandri Divina Providentia Papæ VII.  
anno nono, præsentis litteræ Apostolicæ affixæ, &  
publicate fuerunt ad valvas Basilicarum Latera-  
nen. & Principis Apostolorum de Urbe, & Can-  
cellariæ Apostolicæ per Nos Petrum Paulum De-  
siderium, & Gregorium Staggiu Prælibati Sanc-  
tiss. D. N. Papæ Cursores.

Laurentius Barbigionus Mag. Curs.

Transumptio-  
rum fides.

Sanctio po-  
nalis.

Dat. P. A. &  
die 16. Ap.

Publicatio.